

IIB MA GALO

FAAFINTA RASMIGA AB

الجريدة



الرسمية

JAMHUURIYADDA DIMOQRAADIGA SOOMAALIYA

Sannadka 16aad, Muqdisho 15ka Maarso 1988, L. 1 R 3

FAAFIN BIL SOO BAXA

جريدة شهرية

QIIMADU: waa 5 shilin lambar waliba — **BUKUNKA:** Sanaadii waa Sh. 100 Soomaaliya gudeheeda - dibaddedana waa Shs. 300. Rubunka la weydiisto waqtiga loo gooyey wuxuu ka bilabmaa 1 Janaayo. Qiimaha qortitaanku F. R. halkii sadar iyo waxii ka yar waa 2 laba Sh. Rukunka iyo qoritaanku waxaa la weydiistaa Laanta Maamulka Faafinta Rasmiga ah Lacagta waxaa lagu bixinayaa Xafiiska Canshuuraha ee

K O O B N I I N

QAYBTA KOWAAD

S H A R C I

SHARCI L. 6 ee 14 Feb. 1988, Oggolaansho Heshiis Amaaheed ee dhex maray J.D.S. Sanduuqa H/ta Sacuudiga.

Bog; 182

QAYBTA LABAAD

X E E R

XEER SHARCI L. 2 ee 24 Feb. 1988, Dhismaha Bankiga Iskaashatooyinka Soomaaliyeed »

183

XEER MADAXWEYNAHA J.D.S. L. 11 ee 14 Feb. 1988, Meel marin Heshiiska Amaaheed ee dhex maray J.D.S. iyo Sanduuqa Horumarinta Sacuudiga.

» 186

QEYBTA LABAAD
X E E R

Xeer Sharci Lambar 2 ee Tr. 14 Feb. 1968, Dhismaha Bankiga Iskaashatooyinka Soomaaliyeed.

MADAXWEYNAHA J.D.S

MARKUU ARKAY: Qod. 69aad ee Dastuurka.

MARKUU ARKAY: Go'aanka Golaha Wasiirrada ee 16ka Setember 1966, kuna saabsan oggolaashaha Dhismaha Bankiga Iskaashatooyinka Soomaaliyeed.

MARKUU TIXGELIYEY: Baahida Dhaqaaq, deg degga ah, ee loo qabo Dhismaha iyo hawigalka Bankiga sare ku Tilmaaman.

MARKUU TIXGELIYEY: Oggolaashaha Golaha W/rada.

WUXUU SOO SAARAYAA

Xeerka Sharci ee Soo Socda:

Qodobka 1aad

DHISMAHA BANKIGA

1. Waxaa la dhisay Bankiga Iskaashatooyinka Soomaaliyeed oo hadda wixii ka dambeeya lagu magacaabi doono Bankiga.

2. Xarunta Bankigu waa Muqdisho wuxuuna laamo ku yeelan karaa Dalka gudihiisa iyo dibeddiisaba.

3. Bankigu waa hay'ad madax bannaan oo leh shakhsi yad qaantuuni ah.

Qodobka 2aad

UJEEDDOOYINKA

Ujeeddooyinka Bankigu waxa ay yihiin, Guud aanaan, u adeegidda, taakuliynta iyo ka qayb qaadashada xaqiijinta himi'cooyinka Ururka Dhaqdhaqaaqa Iskaashatooyinka Soomaaliyeed ee J.D.S. Gaar Ahaanna.

a) U fidinta amaah iyo tashiilad kale beeraleyda, xoolo dhaqatada, kalluumeysatada, warshadleyda, farshaxannaada iyo was soo saarayaasha xubnaha ka ah ururada Iskaasha

b) Taakuleynta ururada iyo Iskaashatooyinka Beeraha Xoolaha, Kalluumeysiga, Farshaxanka iyo kuwa adeegyada ee dhaqaale ama bulsho, iyadoo loo fidinayo maaageiin mashaariicdooda.

t) Maalgelinta, hubsasho wax ku oolnimadooda dhaqaaje kaddib, mashaariicda beeraha, xoolaha iyo kalluumeysiga si Bankigu uga qeyb qaato sare u qaadiidda ta'cab soo saarka aagaggaas.

j) Ka qayb qaadashada maalgelinta warshadaha farsa meeya miraha beeraha, xoolaha iyo kheyraadka badda.

Qodobka 3aad

XILALKA GUUD

Bankigu, isagoo xaqiijinaya himiloyinka loo dhisooy Ijaajinayan xuduudda sharciga, xeer nidaamiyihiisa, shuruudda Dajka, sharciga iyo ujmaamaha Bankiga Dnexe ee Soomaaliga, wuxuu qabanayaa nawlana la xiriira furidda xisaabaadka, qabashada keydka, bixinta damaanadaha iyo dhammaan hawio bankiyeedka kale ee caadiga ah.

Qodobka 4aad

XUBNAHA

Xubnaha Bankigu waxa ay ka kooban yihiin:

1. Shirweynaha Guud ee Saamileyda.
2. Guddiga Maamulka.
3. Agaasimaha Guud.

Habka magacaabidda xubnaha kor ku tilmaaman, awoodaaha ay kala leeyihiin, qaabka uu ku guntamayo kulanka Shirweynaha Guud iyo kan Guddiga Maamulka, hawgalkooda iyo go'aannadooda, waxaa lagu tilmaamayaa xeer nidaamiyaha Bankiga.

Qodobka 5aad

SAA MILEYDA

1. Saamileyda Bankigu waxay ka kooban yihiin Ururada Qaranka ee Iskaashatooyinka Beeraha, warshadaha yar yar iyo farshaxanka, kalluumeysiga, quudka iyo adeegga, xoolaha, keymaha iyo xijiga, gaadiidka iyo dhismaha Iyo Uruurada heer gobol iyo Degmo.

2 Waxaa kaloo saami ku yeelan kara Ururrada Iskaa-

oo dhismi doono.

3. Bankigu wuxuu saamiyo ka iibin karaa, marka dan loo arko, Bankiyada iyo Hay'adaha maaliyadeed ee Qaranka. Qodobka 6aad

RAASUMAALKA

1. Raasumaalka Bankigu waxa uu ka kooban yahay saamiyo aan tiradoodu koobneen oo u kala baxa heerarka (A) (B) (F) iyo (J).

2. Qiimaha heerarka kale duwan ee saamiyada rasumaalka ugu norreeya, saamiyada dhammeystiridooda, shuruudaha iyo qaabka bixintooda, waxaa lagu caddeynayaa xeer Nidaamiyaha Bankiga.

Qodobka 7aad

XISAABAADKA

Maamulka Xisaabaadka Bankiga oo isugu jira xisaabaa-dka Sannad Maaliyadeedka, xisaab xirka, macaashka iyo khasaaraha, keydka iyo hanti dhowrka Bankiga, waxaa lagu caddeynayaa xeer nidaamiyaha Bankiga.

Qodobka 8aad

XEER NIDAAMIYE

Madaxweynaha J.D.S. Isagoo dhegeystay soo jeedinta Gud doomiyaha Ururka Dhaqdhaqaaqa Iskaashatooyinka Soomaa liyeed, wuxuu soo saarayaa xeer nidaamiye dhammeystiraya, laguna fulinayo xeerkan sharci.

Qodobka 9aad

D H A Q A N G A L

Xeerkan sharci wuxuu dhaqan geiyayaa isla maalintha uu saxiixo Madaxweynaha J.D.S. waxaana lagu soo saarayaa Faafinta Rasmiga ah ee Jamhuuriyadda. Isla markaas waxaa loo gudbinayaa Golaha Shacbiga si loogu rogo Sharci.

Muqdisho, 24 Feb. 1988.

MADAXWEYNAHA J.D.S.

Maxamed Siyaad Barre